



Sarajevo, 18.06.2025.godine

**KOLEGIJU PREDSTAVNIČKOG DOMA
PARLAMENTARNE SKUPŠTINE BiH**

n/r članova Kolegija

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 18-06-2025			
Organizaciona jedinica	Klasifikaciona oznaka	Redni broj	Broj prijema
01-50-1		1407/25	

Na osnovu člana 8. Poslovnika Predstavničkog doma Parlamentarne skupštine BiH („Službeni glasnik BiH“ br. 79/14, 81/15 i 97/15, 78/19, 26/20, 53/22, 59/23, 87/23, 50/24 i 73/24), podnosim poslaničku

INICIJATIVU

kojom Predstavnički dom Parlamentarne skupštine BiH u skladu sa članom 17. Zakona o Vijeću ministara Bosne i Hercegovine („Službeni glasnik Bosne i Hercegovine“, broj 38/02, 30/03, 42/03, 81/06, 76/07, 81/07, 94/07 i 24/08) zadužuje Vijeće ministara Bosne i Hercegovine, da bez odlaganja usvoji izmjene i dopune Okvirne energetske strategije u Bosni i Hercegovini („Službeni glasnik Bosne i Hercegovine“, broj 70/18) (u daljem tekstu; Energetska strategija) i eventualno drugih dokumenata donesenih na osnovu Energetske strategije, na način da se iz navedenih dokumenta izostavi tj. izbriše gasovodni projekat „Podzemno skladište gasa Tetima s priključnim gasovodom Kladanj-Tuzla-Tetima“ i da se za namjenu skladištenja prirodnog gasa odabere lokalitet koji neće ugrožavati živote, zdravlje i imovinu bilo koga u Bosni i Hercegovini.

Također, zahtjeva se da vlasti entiteta FBiH iz Strategije i svih dokumenata, bilo da su važeći ili u pripremi, brišu gasovodni projekat „Podzemno skladište gasa Tetima s priključnim gasovodom Kladanj-Tuzla-Tetima“ kao opciju skladištenja gasa.

Ovom inicijativom zadužuje se Ministarstvo vanjske trgovine i ekonomskih odnosa Bosne i Hercegovine, da bez odlaganja pripremi izmjene i dopune Energetske strategije na gore opisani način i isti dostavi Vijeću ministara Bosne i Hercegovine.

O b r a z l o ž e n j e

Kao potencijalni lokalitet za namjenu skladištenja prirodnog gasa, od strane kompanije „BH Gas“ više puta je predlagan rudnik soli, koji je smješten u Gradu Tuzli (naselje Tetima). Ta kompanija je, po našim saznanjima, 1988. i 2001. godine naručila i uradila studiju o mogućnostima skladištenja prirodnog gasa, uprkos izričitom protivljenju lokalnih vlasti i građana u Tuzli, koji su izrazili sumnju da se radi o studiji čiji je rezultat „naručen“.

Podsjećamo, da je Gradsko vijeće Tuzla, na svojoj sjednici održanoj dana 25.02.2016. godine usvojilo Rezoluciju o odbijanju skladištenja prirodnog gasa u iskorištenim komorama Rudnika soli „Tetima“ („Službeni glasnik Grada Tuzla“, broj 02/16), kojom su Gradonačelnik i Gradsko

vijeće Tuzla odlučno odbili sve namjere, da se na području Tuzle locira skladište za smještaj prirodnog gasa ili drugih potencijalno opasnih materija, bez obzira na rezultate bilo kakvih analiza.

Također, u Rezoluciji Gradskog vijeća Tuzla od 25.02.2016. godine, navedeno je između ostalog /citiramo/:

„, imajući u vidu geološku nestabilnost područja na kojem se nalaze iskorištene bušotine soli u Tuzli, kao i činjenicu da ne postoji sigurna udaljenost eventualnih podzemnih skladišta prirodnog gasa od nadzemnih građevina, podzemnih objekata i komunalnih instalacija, smatramo da bi podzemna skladišta prirodnog gasa na ovako tektonski nestabilnom području, bila potencijalna tempirana bomba, koja bi mogla ugroziti živote, zdravlje i imovinu građana Tuzle./završen citat/“

Osim toga, u Rezoluciji Gradskog vijeća Tuzla iz 2016. godine je navedeno i da bi „izrada projekta, kao što je skladištenje gasa u napuštenim komorama Rudnika soli morala, pored geoloških, hidrodinamičkih i geotermalnih kriterija, imati u vidu i društvene, ekonomske i političke kriterije i razloge za realizaciju projekta.“

Ističemo, da je navedenom Rezolucijom konstatovano, da bi „ovakva aktivnost smještaja prirodnog gasa u rudniku „Tetima“ bila protivzakonita, jer Zakonom o rudarstvu Federacije BiH („Službene novine Federacije BiH“, broj 24/2010) nije predviđena mogućnost, da se napuštene komore Rudnika soli ili bilo kog drugog rudnika koriste za smještaj prirodnog gasa, već naprotiv, propisana je obaveza, da se nakon prestanka eksploatacije u skladu sa odredbama citiranog zakona izvrši rekultivacija degradiranih površina, kako bi se iste učinile bezbjednim.“

Rezolucija je donesena iz razloga, što tadašnji viši organi vlasti nisu poštovali zaključke donesene od strane nekadašnjeg Općinskog vijeća Tuzla, koje je na svojoj sjednici, održanoj dana 24.01.2007. godine, odbilo Zahtjev Ministarstva energetike, industrije i rudarstva TK da se omogući BH Gasu da oformi skladište za smještaj prirodnog gasa na lokaciji „Tetima“ ili smještaj bilo kakve druge potencijalno opasne materije i u cjelosti prihvatilo i podržalo prijedlog i mišljenje Općinskog načelnika u vezi sa nastalom situacijom.

Međutim, i pored navedenih zaključaka Općinskog vijeća Tuzla, Parlament Federacije Bosne i Hercegovine je 2009. godine prosljedio odluku o davanju saglasnosti na izgradnju skladišta plina u Tuzli bez znanja Općinskog vijeća, iako za donošenje odluke mora biti saglasnost općine, odnosno grada. Također, zanemarena je činjenica da izgradnje skladišta gasa nema u prostornim planovima Federacije Bosne i Hercegovine, Tuzlanskog kantona i Grada Tuzle, što se ne može desiti, jer je saglasnost jedan od uslova za donošenje odluka, propisana Zakonom o principima lokalne samouprave („Službene novine Federacije Bosne i Hercegovine“, broj 49/06 i 51/09) i Evropskom poveljom o lokalnoj samoupravi.

Nakon toga, Vijeće Ministara Bosne i Hercegovine, na svojoj sjednici održanoj dana 29.08.2018. godine, donosi Odluku o usvajanju Okvirne energetske strategije Bosne i Hercegovine, na prijedlog Ministarstva vanjske trgovine i ekonomskih odnosa BiH, gdje se na strani 149. i 150. usprkos protivljenju lokalne vlasti i građana u Tuzli planira realizacija projekta „Podzemno skladište gasa Tetima s priključnim gasovodom Kladanj-Tuzla-Tetima“.

Tuzla do sada uspješno realizira Strategiju razvoja donesenu 2012. godine, što je potvrđeno nizom međunarodnih i domaćih priznanja. Što je najvažnije, osnovni pravci ove Strategije, masovno su podržani od građana Tuzle.

Pomenutoj Strategiji, suprotna je svaka vrsta opasne djelatnosti koja bi mogla dovesti u pitanje život, zdravlje, miran san, sigurnost i bolji život građana Tuzle. Dakle, nametanje gradnje skladišta prirodnog gasa, potpuno je suprotno planu razvoja Tuzle. Lokalne vlasti i građani u Tuzli, žele izbjeći velike greške iz prošlosti, koje su nanijele štetu Tuzli kao lokalnoj zajednici i njenim građanima.

Velika greška, u vidu nekontroliranog izluživanja slanice ispod grada, nanijela je nenadoknadive štete prošlosti, sadašnjosti i budućnosti Tuzle. Ovakva greška ne smije se ponoviti Tuzli i njenim građanima. Da ne pominjemo problematiku tonjenja i nestanka pojedinih dijelova Tuzle, zbog nekontrolisanog izluživanja soli i veliki broj rudarskih radova u okolini Tuzle, a pojedine napuštene jame se i danas nalaze ispod grada.

Građanima Tuzle je svojevremeno, nametnuta i gradnja HAK-a. Strah kojeg su građani trpjeli od tog objekta, zbog ekscesa u vidu „curenja“ hlora, ne može se ničim nadoknaditi.


Zbog svega navedenog, ovom inicijativom predlažemo, da Zastupnički dom Parlamentarne skupštine BiH u skladu sa članom 17. Zakona o Vijeću ministara Bosne i Hercegovine („Službeni glasnik Bosne i Hercegovine“, broj 38/02, 30/03, 42/03, 81/06, 76/07, 81/07, 94/07 i 24/08), u daljem tekstu: Zakon o Vijeću ministara) zaduži Vijeće ministara Bosne i Hercegovine, da bez odlaganja usvoji izmjene i dopune Okvirne energetske strategije u Bosni i Hercegovini („Službeni glasnik Bosne i Hercegovine“, broj 70/18) i eventualno drugih dokumenata donesenih na osnovu Energetske strategije, na način da se iz navedenih dokumenata izostavi tj. izbriše gasovodni projekat „Podzemno skladište gasa Tetima s priključnim gasovodom Kladanj-Tuzla-Tetima“ i da se za namjenu skladištenja prirodnog gasa odabere lokalitet, koji neće ugrožavati živote, zdravlje i imovinu bilo koga u Bosni i Hercegovini.

Također, zahtjeva se da vlasti entiteta FBiH iz Strategije i svih dokumenata, bilo da su važeći ili u pripremi, brišu gasovodni projekat „Podzemno skladište gasa Tetima s priključnim gasovodom Kladanj-Tuzla-Tetima“ kao opciju skladištenja gasa.


Ovom inicijativom tražimo da se zaduži Ministarstvo vanjske trgovine i ekonomskih odnosa Bosne i Hercegovine, da bez odlaganja pripremi izmjene i dopune Energetske strategije na gore opisani način i isti dostavi Vijeću ministara Bosne i Hercegovine.

S poštovanjem,

Jasmin Imamović, poslanik SDPBiH u Predstavničkom domu PSBiH



Saša Magazinović, poslanik SDPBiH u Predstavničkom domu PS



Rejhana Dervišević, poslanica SDPBiH u Predstavničkom domu PSBiH



Albin Muslić, poslanik SDPBiH u Predstavničkom domu PSBiH



Ermina Salkičević Dizdarević, poslanica SDPBiH u Predstavničkom domu PSBiH



Denis Zvizdić, poslanik NiP u Predstavničkom domu PSBiH




Nihad Omerović, poslanik NiP u Predstavničkom domu PSBiH



Midhat Čaušević, poslanik SDA u Predstavničkom domu PSBiH



Denijal Tulumović, poslanik SDA u Predstavničkom domu PSBiH



Zlatan Begić, poslanik DF u Predstavničkom domu PSBiH

